

玉花社疏

竊以玉花乃氣之宗金蓮乃神之祖氣神相結謂之神仙陰符經註云神是氣之子氣是神之母子母相見得做神仙起置玉花金蓮社在于兩州務要諸公得認真性不曉真源盡學傍門小術此是作福養身之法並不干修仙之道性命之事稍爲失錯轉乖人道諸公如要真修行飢來喫飯睡來合眼也莫打坐也莫學道只要塵冗事屏除只要心中清淨兩箇字其餘都不是修行諸公各懷聰慧每日齋場中細細省悟庶幾不流落於他門行功乃別有真功真行晉真人云若要真功者須是澄心定意打疊神情無動無作真清真淨抱元守一存神固氣乃是道藏輯要

重陽全真集

太 下胃集一

真功也若要真行者須是修仁蘊德濟貧拔苦見人患難常行拯救之心或化誘善人入道修行所行之事先人後已與萬物無私乃真行也伏願諸公早垂照鑒

詞

酴醾香

自在隨緣信腳而無思沒算吞清麴邀皓月同爲侶伴步長路成歡樂唇歌舌彈忽經過洞府嘉山堪一翫正逢著祥瑞頻讚異果名花滋味美馨香撒散對良辰雖好景難爲惹絆任水雲前程至天涯海畔便遭遇清淨神舟超彼岸這回做真書風

漢